



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

XXII. Quis mihi det te fratrem meum, sugentem ubera matris meæ, ut inveniam te foris, & deosculer te, & jam nemo me despiciat. Cant. 8. v. 1.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

*Quis mihi det te fratrem meum, sugentem ubera matris mee, ut inveniam te foris, & deosculer te, & jam nemo me despiciat.*  
Cant. 8. v. 1.

**C**onsidera id, quod Anima consequi suspirat in Oratione, aliud non esse, quam illum amplexum, illam adhesionem, & intimam unionem cum Deo, quæ toties in sacris Litteris significatur nomine casti osculi. Sed non omnes pari modo consequuntur. Quosdam, ut in Oratione Deum suam inveniant, necesse est prius animo subire penetralia alicujus è mysteriis, in quibus, ut ita dicam, est absconditus, necesse est meditari, quærere, scrutari, donec Deus eorum labores miseratus admittat ad se, interveniente suaviore alloquio, vel lumine splendidiore, quod faciat eos Divinam sentire presentiam in intimo Spiritus, atque uniri Deo. Isti haud dubie inveniunt Deum sed quasi in suo Palatio: *Inveniunt intus.* quæ admissio non est absimilis illi, quam hodie indulgent omnes ferè Principes pro majestate personæ, hoc est post longos transitus de uno in aliud conclave impetrant. Alij vix ad orandum provoluti in genua Deum inveniunt, ut ita loquat, *stantem in foribus: inveniunt foris:* quia sine laborioso discursu ad primam mentis elevationem illi statim uniuntur, atque in promptu habent affectus, in promptu amplexus, & lacrymas, nec ullus est labor, ut ad

operatam veniant Audientiam. *Ita* est favor illius, qui à Deo emittitur ad sublime donum Contemplationis atque idem est, quod anima in hoc petirà Deo verbis illis: *Quis mihi det, ut inveniam te foris, & deosculer te?* sed nota, qualis sit anima, que hoc petit. est sacra Sponsa, que modo loquendi Habere dilectum suum non Sponsum, sed fratrem appellat, cum erant ejusdem tribus. & tamen hæc ipsa Anima non exigit tanquam forem jure sibi debitum: sed dicit: *Quis mihi det?* & tu, cum vix è luto peccatorum emerferis, eum exigit, & infidens meditandi laborem tuum nihilas vel uno actu fidei, quem laborem orationis initium præmittis, te immittere in sinum Dei, eoque frui deliciis contemplationis adeo futurum, quia invenit, & non quærit: *O quantum falleris!* dic prius: *Quis mihi det?* Ora, pulsa, contestare Deum, te non esse meritum, ut vel absque te dignetur. & post hæc omnia sermone certum non esse de consecratione dum desiderari, ut quod est proprius gratiarum. & sic sperare equidem potest laborem, sed exigere non potest.

2. Considera Animam, que hoc consequitur, ut talem recipiat forem, benecognoscere in ipso actu re-

despicendi, quod eam nemo possit despiciere. *Et jam me nemo despiciat.* Quare? quia nulla erit res creata, quæ illam audeat tentare quocunque oblato dono, ut separaretur à Deo suo. nōstine, quis sit maximus despectus, quem anima tua possit accipere? is est, quem Mundus tibi facit, cūm invitat, ut suas secleris vanitates. quem facit Caro, cūm invitat, ut suas quæras voluptates, luxus, oblectamenta. quem facit dæmon, hostis tuus capitalis, cūm invitat, ut suam à mulieris ambitionem. ô despectum inauditum! tunc ergo, cūm Anima eo modo, quem diximus, fuerit unita Deo, quis erit, dicit intra se ipsam, quis erit tam audax, ut me despiciat tentando removere à bono, cui sum conjuncta? *Quis me separabit à charitate Christi?* Rom. 8. v. 13. Opes, dominia, voluptates, honores vana sunt prætia. habeat illa, quisquis volet, ego tanti non facio. Bene tunc videt se à Dilecto suo tractari ut sponsam, tot sunt ejus blandimenta: unde non timet amplius Rivalium garritus, quæ donec tam præclaras consecuta est nuptias, eam deridebant, quasi nunquam fors tam beata illi possit contingere. Tu in quali statu versaris? fortè multi socij & sociæ te modò despiciunt, dum vident tanto studio deditum orationi. adèd ut aliquando per jocum quarant, quem gradum extasis jam sis adeptus. locentur sanè: quia. si tuo constanter insistentis negotio id consequaris, quod suspirabat sponsa, videbis etiam sine extasi finiendum tempus irrisionis. Quid non toleratur à Mundanis, ut

*R. P. Pauli Segneri Manna Anima.*

carnales nuptias consequantur? & tu ad obtinendas Divinas non sustinebis quidquam pati? sed quando ad tam beatas nuptias pertinges? quando in oratione positus dicere Deo poteris, sed ex imo cordis, *meus es tu, & sufficis mihi.* Hæc est illa desponsatio, quæ nullius, quisunque fuerit, despectionem amplius formidat.

3. Considera, sponsam non solum hic dicere quocunque modo: *Quis mihi det, ut inveniam te foris, & desculer te, & jam me nemo despiciat?* sed cum majore determinatione dicere: *Quis mihi det te fratrem meum, surgentem ubera Matris meæ?* quia dum sponsum suū cernit in throno majestatis tam excelso positum, in quo regnat modò, videtur sperare non posse unionem cum ipso tam arctam, & suavem, qualis hoc loco per osculum designatur. quid agit ergo? eum sibi lingit parvulum, qualis erat in sinu Virginis (quam sponsa usitato stylo, quo matrè sponsi matrem appellamus, hic matrè suam vocat) & ut talen stringere suis brachijs exoprat. quare nisi ut tantò liberius teneri amoris indulgeat affectibus? Hinc est, quod Christus innumeris sanctis tali specie potius apparuerit quàm quavis aliâ, ut tantò familiarius eo fruerentur. cūm nemo sit, qui vereatur pectori admovere parvulum lactentem. stringere, complecti, demulcere, & mille onerare osculis, innocenti debitis pusioni. hinc discet, quantopere decepri sint, qui asserebant alienum esse à puritate & perfectione Contemplationis, si quis

GGG GGG

Phanta

Phantasia repræsentet sacrosanctam Humanitatem Redemptoris; atque idcirco abstrahendum animum ab omni sensibili, removendam omnem figuram reiiciendam omnem formam, & in solo Intelligibili continuè mentem defigendam. Nonne animæ valde sanctæ typus est sponsa, quæ hic loquitur? & nota tamen, quomodo loquatur. Dum actu ipso desiderat, ut sponsus occurrat sibi in alta Contemplatione, quin laboriosè meditando

inquirat, etiam desiderat infantem, & infantem pendentem ab ubere, ut potius in sinu matris tanquam throno gratiæ illum liceat intueri. *Quis mihi det te fratrem meum, suavitatem matris meæ, ut inveniam te fratri, & osculer te, & jam me nemo despicit.* Hæc est una ex præcipuis causis, ob quas voluit Deus humanâ carne vesti; ut tanto facilius illi jungatur, dum videmus factum unum ex nobis.

## XXIII.

*Adeamus cum fiducia ad thronum Gratiæ, ut misericordiam consequamur, & Gratiam inveniamus in auxilio operum.*  
Heb. 4. v. 16.

1. **C**onsidera, Christum ut verum Regem duplici gaudere throno. Unus est Gratiæ, alter Justitiæ. In isto Justitiæ confidebit, cum te iudicaturus advenerit post vitam, in illo Gratiæ confidet, dum vivimus. ideo unus est præsens, alter futurus. In throno Gratiæ sedet, ut nunc der cui-libet, quod iuste petit. *Petite & accipietis.* Et in throno Justitiæ sedebit, ut der hoc solum, quod quisque est meritis. *Iudicabo te juxta vias tuas, & non parceret oculus meus super te, & non miserebor.* Ezech. 7. v. 3. Quæ igitur dementia tua, si, cum possis nunc adire Thronum Gratiæ, non adeas, sed expectes, dum ad thronum Justitiæ citeris. ideo dicit Apostolus: *Adeamus cum fiducia ad thronum Gratiæ,* quippe ad thronum Gratiæ quisque currit

prior, ad thronum Justitiæ non vocatus venit. Nunquid ergo negus est probrum, quod Dominus necesse habeat te invitare, ut ad ipsum venias, ipsi te commendes, ipsi tibi necessitates tuas exponas? Reus, quod refert? si eundem foret ad thronum Justitiæ, haberes sanè tanquam nos causam trepidandi, dicendique: *Domine non intres in iudicium cum servo tuo.* Et cum adeundus sit thronus Gratiæ, non dubites, quantumvis Reus? *Exspediet gratiam gratiæ,* hoc est, *gratiam, quam tibi faciet salvando te, exspediet gratiæ, quam tibi fecerit redimendo te.* Zach. 4. v. 7.

2. Considera, qui sint fines, propter quos adendus est istud thronus gratiæ. duo sunt. primus est, ut consequamur veniam eorum, quæ male fecerunt.